

Aðför að grásleppuveiðum

Leiða tillögur sjávarútvegsráðherra til þess að grásleppuveiðar í Faxaflóa leggjast af ?

Þegar stjórn Sæljóns las yfir og hugleiddi þessar breytingartillögur vaknaði þessi spurning.

Þess vagna settum við saman eftirfarandi:

Stjórn Sæljóns félags smábátæigenda á Akranesi mótmælir harðlega þeim breytingum sem fram koma í drögum að reglugerð um hrognkelsaveiðar á árinu 2020 sem birt eru á samráðsgátt stjórnvalda.

Röksemdir okkar fylgja hér á eftir.

Helstu breytingar frá reglugerð fyrra árs eru átta talsins. Þær eru:

„Afnám svæðaskiptingar (að undanskildum innanverðum Breiðafirði).“

Almenn sátt hefur verið um svæðisskiptingu hrognkelsaveiða á milli aðildarféлага Landsambands Smábátæigenda. Hverra hagsmuna er verið að gæta með ofangreindri breytingu?

Hvers vegna er Breiðafjörður undanskilinn?

„Upphafstími veiða verði 1. mars í stað 20. mars.“

Stjórn Sæljóns mótmælir þessu. Upphafstími veiða hefur verið breytilegur eftir veiðisvæðum og eru skiptar skoðanir um hann. Að færa hann fram orkar tvímælis. Við teljum að gæta skuli hér að öryggissjónarmiðum, - veður váland. Væri nær að færa upphafstíma veiða til 1. Apríl.

„Áður en veiðiferð hefst skal útgerð sjá til þess að báturinn hafi þær aflaheimildir sem dugi fyrir ætluðum meðafla í veiðiferðinni.“

Stjórn Sæljóns telur þessa breytingu óframkvæmanlega við núverandi aðstæður.

1. Vonlaust er að áætla meðafla, (tegundir og magn) í hverri veiðiferð. Til þess eru breytur of margar.
2. Útgerð hefur mjög takmarkaðan aðgang að aflaheimildum. Enginn kvóti er fánlegur á viðráðanlegu verði.

„Grásleppunet skulu dregin eigi síðar en þremur sólarhringum, í stað fjögurra eins og nú er, eftir að þau eru lögð í sjó.“

Stjórn Sæljóns telur þessa breytingu þarflausa.

Allir vita að hagkvæmast er að draga net sem oftast, þegar veður og aðstæður leyfa.

Núverandi skilyrði í reglugerð nær utan um þau atriði sem máli skipta og veita nægilegt aðhald.

„Hámarks lengd neta á hvern bát verði stytta um helming verði 3.750 m í stað 7.500m.“

Þessi breytingartillaga tekur nú steinin úr og röksemdafærsla starfshópsins er hriplek.

Stjórn Sæljóns mótmælir þessu harðlega.

Núverandi netafjöldi hefur reynst ágætlega. Ef fækka á netum um helming hefur það svipuð áhrif og t.d. að minnka troll um 50% eða önnur veiðarfæri s.s. nót og línu.

„Fiskistofu verði heimilt að svipta bát veiðileyfi ef um óeðlilega veiði á botnfisktegundum að ræða þannig að magn grásleppuafans í þorskígildum talið.“

Stjórn Sæljóns telur mjög vafasamt að Fiskistofu sé veitt leyfi til að ákv. refsingu eftir einhverju huglægu mati. Ef ná á árangri í þessum atriðum væri nær að líta á tillögur frá haustfundi Sæljóns

Skipulag grásleppuveiða

Aðalfundur Sæljóns, haldinn á Akranesi 19. september 2019 leggur eindregð til að breytingar verði gerðar á skipulagi grásleppuveiða: Bátar eigi kost á að taka upp net í brælutíð án þess að dagafjöldi þeirra til veiða verði skertur.

Eins verði það, - að gefa mönnum kost á að gera hlé á veiðum án dagaskerðingar ef um óeðlilegan meðafla er að ræða.

Allir sem glóru hafa í kollinum vita að bolfiskur, fugl og aðrir ætisleitendur fylgja loðnugöngum og sílisgöngum. Þessar göngur gera ekki boð á undan sér. Ákvarðanir sjórvalda um að banna loðnuveiðir hafa afdrifaríkar afleiðingar.

„Fellt er út ákvæði um skil á veiðiskýrslu.“

Stjórn Sæljóns skilur ekki tilgang með þessari breytingu. Áður en allir verða skyldaðir til að vera með „app“ **þarf að tryggja að símasamband nái til veiðisvæðanna.**

Til hvers hefur veiðiskýrslan verið notuð til þessa ?

Byggir ekki starfshópur ráðherra röksemdafærslu sína á skýslum veiðimanna ?

„Umsóknarfrestur til grásleppuveiða veður frá 15. janúar – 15. febrúar 2020 og verða umsóknir sem berast eftir þann tíma ekki teknar til greina.“

Stjórn Sæljóns mótmælir þessu harðlega.

Hvað eru menn að hugsa? Gera þeir sem koma fram með svona tillögur sér grein fyrir hvað þetta er mikil breyting sem bindur menn að ákvörðunum áður en mikilvægar forsendur liggja fyrir ss. verð, fjöldi veiðidaga, heildaraflamagn.

- Bindur enn frekar það litla athafnafrelsi sem menn hafa þó haft í þröngri stöðu hrognkelsaveiða.

Að framansöðu má ætla að breytingatillögur á drögum að regugerð um gásleppuveiðar 2020 séu ekki settar fram til þess að draga úr meðafla eða brottkasti heldur að koma að öllu leyti í veg fyrir slíkt með því að gera mönnum ókleyft að stunda þessar veiðar.